

時方妙用卷三

閩吳航陳念祖修園甫著

男元豹道彪古愚全校字
元犀道照靈石

癰癰

普明子曰癰癰者肝病也肝主筋肝經血燥有火則筋急而生癰癰多生於耳前後者膽之部位膽與肝相表裏其初起卽宜消癰丸消散之不可用刀針及敷潰爛之藥若病久已經潰爛者外貼普救萬全膏內服消癰丸並消遙散自無不愈更宜戒惱怒斷煎

妙及發氣開氣諸物免致膿水淋漓漸成虛損患此者可毋戒歟

新消癰丸

此方奇效治愈者不可勝計予亦刻

方普送矣

元參

蒸牡蠣

煨鱉

貝母

去心蒸
各四兩

共爲末煉蜜爲丸每服三錢開水下日二服

愚按曹明著醫心悟一書遂未亡本用之鮮效唯此丸平淡而神奇當其實之但耳前後爲少陽部

位

渠云用之部位者
誤也故改正之

眩暈

內經云上虛則眩。又云腎虛則高搖髓海不足則腦
轉耳鳴皆指不足而言。仲景論眩以痰飲爲先。丹溪
宗河間之說亦謂無痰不眩。無火不暈。皆指有餘而
言。前聖後賢何其相反至此。不知此症不離於肝經。
云諸風掉眩皆屬於肝。此風非外來之風。指厥陰風
木而言。厥陰風木與少陽相火同居。厥陰氣逆則風
生而火發。故河間以風火立論也。風生必挾木勢而
尅土。上病則聚液而成痰。故仲景以痰飲立論。丹溪

以痰火立論也。然一身聚邪之處，卽爲偏虛之處。頭爲諸陽之會，相火得以逆行上僭者，非上焦之虛，而何腎爲肝母，腎主藏精，精虛則髓海空而頭重。故內經以上虛及腎虛髓海不足立論也。言虛者言其病根，言實者言其病象，其實一以貫之也。

脈數熱多 脈濇血少 弦爲肝風

滑實痰積 虛小氣虛 大爲病進

眩暈脈弦發熱或寒熱往來宜

逍遙散加半夏天麻鈎藤主之

四十

眩暈脈數或滑實大小便閉胸脇作痛耳聾耳鳴
多怒凡屬肝經實火宜

當歸蘆薈丸○此法從喻嘉言寓意草醫吳添官
之毋一案得來

一眩暈脈濇及精氣不足欲榮其上必灌其根宜

六未地黃湯倍地黃去丹皮澤瀉加細辛炙甘草
各一錢川芎二錢枸杞子三錢肉蓯蓉三錢半水

煎服

四十

一脈虛細弱小是氣虛宜

補中益氣湯加天麻半夏釣藤

五

一脈弦而滑眩暈而嘔逆爲痰飲宜澤天小麻白朮

二錢水煎服或用二陳湯加天麻合此二味

一實火眩暈不可當宜大黃酒炒三遍研末茶調下

二三錢

一虛眩諸藥不效宜鹿茸五錢酒煎去滓入麝香少許服綠鹿茸生於頭以類相從也

一眩暈大虛諸藥不效及虛人愈後調理俱宜

正元丹

十二

桂附八未九五

眼目

眼目一症。古有五輪八廓及七十二症之辨。其實不足憑也。業是科者。庸妄固無論已。而高明之士。於實症則曰風曰火。於虛症則曰肝血少。曰腎水衰。言之親切有味。而施治則無毫少效。且以增病。余歷數交遊。凡目痛者。無不因醫而致瞽。卽有一二倖免者。原爲輕淺之病。卽不服藥亦愈。於醫固無與也。蓋此症除風火赤腫外障等症外。而一切目視無光。及昏黑倦視等症。皆爲陽虛。心肺爲上焦之陽。心屬火。火能

燭物肺屬金。金能鑑物。二臟之陽不宜。則火不能燭。金不能鑑矣。醫者不知以補血之藥滋肝以補水之藥滋腎。下焦之陰愈盛。則上焦之陽愈虛。且令下焦陰氣上加於天。白晝如夜。燭火有光。陰雲四合。龍雷飛騰。原欲滋陰以降火。其實滋陰以助火。火盛則遂增出赤腫紅絲。多肉羞明。諸火象漸成癰疾矣。子非耑業此道。不敢多言。請向醫者而詢其所服何藥。所點何藥。使得前車之鑒。今於眼科所未載。外搜出數方。以救逐流之弊。

四君子湯。

○加肉蓯蓉、川椒、鬼絲、爲丸治虛寒症。

○豆腐一塊中

一空八朴硝一二錢乃用豆腐蓋上蒸出水卽以此水洗目效治實熱症。

桂附地黃丸五十當歸補血湯加鹿茸三錢六磁珠

丸二十還少丹以菊花湯送下六

一初起翳障不可遽用點藥及一切洗藥蓋目不染

塵藥汁八日亦見羞澁唯用潔淨開水以潔淨茶

盞盛之用潔淨本色絹片乘熱淋洗洗後水混濁

換水再洗洗致水清無垢方止如此數次卽愈水

內並不用藥名天然水水必煎沸者以熱能散風

水能制火也

耳聾

腎開竅於耳。固也。而腎脈却不能上頭。腎與心交。假道於心之膈。以上耳中之穴曰聽宮。小腸之經脈貫之。爲司聽之神。所以腎虛其形如珠。皮膜包裹真水。若真水破其耳立聾。有爲大聲所振而聾者。皮膜破也。或聾或不聾者。心腎不交也。宜磁硃丸交媾水火。有先耳鳴而後聾者。腎虛不能閉藏。陰氣窒塞於陽竅也。宜六味丸去丹皮。重加磁石。再加五味子。龜板膠爲丸。令陰氣自盛於本宮。不觸於陽竅。若感冒暴

聾總不外少陽一經足少陽膽脈達耳輪手少陽三焦脈入於耳邪氣壅實聽官爲其所掩宜消導散去白朮加黃芩半夏生薑玉竹大棗主之如風火交煽宜防風通聖散肝火熾盛宜蘆薈當歸丸尺脈弱者宜桂附地黃丸尺脈數者宜大補陰丸二丸俱加磁石菖蒲茯苓之類神而明之存乎其人非可以不楮傳者

浮大爲風 洪數爲火 洪大而實爲風火 尺數爲陰火 遲濡爲腎虛

疝氣

疝者小腹墜丸爲腫爲痛是也。其名有七。曰寒疝。囊
冷結硬如石。陰莖不舉。或控辜丸而痛。曰水疝。腎囊
腫痛。陰汗時出。或腫狀如水晶。或囊痒而搔出黃水。
曰筋疝。陰經腫脹。或潰。或膿。或裏急筋縮。或出白物。
曰血疝。狀如黃瓜。在小腹兩旁橫骨兩端。約中。俗云
便癰。曰氣疝。上連腎區。下及陰囊。或因號哭忿怒。則
脹罷。則氣散。曰狐疝。臥則入小腹。行立則出小腹。曰
癰疝。陰囊腫。縋如升。如斗。不痒。不痛。然亦不必拘者。

經云任病爲病男子內結七疝女子帶下瘕聚。曰
足厥陰肝病丈夫癰疝婦人少腹腫大抵任病肝病
居多小腸病亦多。各經亦間有之。治之之法統以二
陳湯加澤瀉猪苓白朮桂枝小茴香朮通金鈴子主
之。余少時初用疑爲偶效。後屢試屢驗。方知其調氣
之功甚鉅。張景岳先得我心。景岳云病名疝氣非無
謂也。蓋寒有寒氣。熱有熱氣。濕有濕氣。逆有逆氣。陷
有陷氣。在陽分則有氣中之氣。在陰分則有血中之
氣。從寒熱虛實施治。俱當兼用氣藥。余此方化膀胱

之氣而諸氣俱調其義詳於脹症宜參究之

本脈牢急 弱急不宜

二陳湯加味外○若寒甚者再加乾薑附子○若
熱極者加黃柏知母○小便如膏者加石菖蒲車
薛○氣上衝去白朮加肉桂吳茱萸當歸○囊腫
如水晶者加苡仁桑皮○痛不可急者恐瘀血爲
膿致潰加桃仁紅花乳香○筋縮者加苡仁一兩
木瓜二錢○頑麻不痛者加川芎檳榔○痒者加
刺蒺藜三錢

千金翼洗方

治丈夫陰腫如斗核中痛雄黃末

二兩

礬石二兩

甘草七錢

水五碗煎二碗洗

又於關元兩旁相去各三寸青脈上灸七壯即愈左

灸左右灸右

又灸外陵穴在臍左右各開一寸半灸疝立效永不

再發